

PAPAKILO

Hawaiian Newspapers Collection [Menu](#) ▾

[Translate](#)
www.hawaii.org

Ko Hawaii Pae Aina / 23 November 1878

/ HUAKAI MAKAIKAI A KA ULELE Hua Kepau i ka Moku o Kama.

Ko Hawaii Pae Aina, Volume I, Number 47, 23 November 1878 — HUAKAI MAKAIKAI A KA ULELE Hua Kepau i ka Moku o Kama. [ARTICLE]

[Back](#)

HUAKAI MAKAIKAI A KA ULELE

HUA KEPAU I KA MOKU O KAMA.

I kuu Milimili “Ko Hawaii Pae Aina;”

Aloha nui kama:

E oluolu ke ahonui o kou kino lahila-hi e ahai hele aku i ka manao o kou paahana nei, oia keia.

Ma ka hora 4 ponoī o ka la 14 o Okatoba, ua haalele iho la wau a me ka'u Ewa i ke awa lai o Kou, a au aku la i ke kai lipolipo o Paololo, mamuli o ke ahonui o ka halelana “Kilauea Hou,” a ma ka hora 9 A M o ka la 15 ae, ku aku la makou ma ke kai holo o Kahului, a kau aku la maua maluna o ke kaa, a o Wailuku ka ilina. Hiki aku la ma na i ka hale, luana aloha me na makua o ka'u Ewa a me ka oihana pu.

I kuu hoomaopopo ana i na hiohiona o Wailuku, he olu mau mai ke kakahi-

... a po, a ma noi e makani mai ana, e hana mau ana ka huna lepo i kana hana mai kakahiaka a po. A i kuu makaikai ana i ka hale wiliko, ua holo mau ka hana i na wa a pau.

A i ka hora 8 A M o ka la 20 o ia malamalama no, ua holo aku maua maluna o na lio no ka makaikai ana i kahi wai hoi-hoi la-i o Eleile, a i ka nana i ua wahi wai la, aoho no hoi he ano, o ka inoa nae kai laula, ua kiola maua i ka la-i iloko o ua wahi wai nei, ua kali aku no ka pii hou mai, a hala paha he 5 minute, ua ike hou ia aku ua mau wahi la-i nei e okuku ae ana maua pono iho o maua, a hoomanao ae la wau i kahi hūmeni e pili ana no ua wahi wai la,

Lipolipo ka wai o Eleile,
Huahu i ka noe a ka olu,
I mehana i ka lau a ke aloha,
I ka pili aoao ana iho.

Ma ka hora 7 A M o ka la 30 o ia malamalama no, ua holo hou maua no Ulupalakua, a ilaila kahi i noho ai o ka hanau ma o ka'u Ewa, oia o Mrs. Kahuakai-hele Brown, ua launa aloha me ia no ka la hookahi, a moe malaila ia po.

I ka la 31 ae, hora 7 A M, ua holo hou aku maua a hiki i kahi o Rev. J Kama-kele i Kula, ua mahamaha mai oia ia maua, a hala paha he hora okon, ua holo aku aliki i kahi o G S Kalama, ma Pu-lehu, Kula, luana aloha pu maua

me kana Ewa no elua hora, a ma ka hora 3 p m o ia ia, ua holo loa aku mava no Hamakunapoko, luana hou malaia me ka ohana o ka'u Ewa, oia o Mrs. Kealalaina Kamikana. Moe maua ilaila ia po a ao, o ka la 1 ia o Novemaba nei, a ma ka hora 11 o ia ia, ua holo hou aku maua a me Mrs. K Kamikana no ka makai-kai ana i ka uwea olelo o Haiku, a me ka hale wiliho, i ka naha ana ia wahi, he kolu kaona ka noho ana o ia wahi. A i ka hora 3 $\frac{1}{2}$ o ia ia no, ua hoi aku makou a hiki i ka hale, luana hou no ka hapalua hora, a ma ka hora 4, ua hoi loa aku maua no Wailuku.

I ka la 8 o ia mulama, na oluolu i kekahi kamaaina o Wailuku ka hoomakaitai ana aku ia mana ia uka o Iao, oia o Mr. Kammiami, na kuhikuhi mai oia ia maua i na wahi *pau* o na nka la. O ka mua, o Pohakukapu, he pohaku kapu ia i ka wa kahiko, a aia no ke ku la iloko o kekahi pa haole, a mauka aku o kahi o ka Lunakanawai Kuithe-lani, a mauka iki aku, he wahi pohaku, o Kamaluhokuawa ka moa, i kuu ike ana, aole wai ano iki, he wahi pohaku uuku no, aia nae ma ka aono komohana o na wahi pohaku nei, he wahi malu iki, a aole e pa iki ia ana ia wahi malu e ka la a napoo wale no ka la i ke kuahiwai; a no na wahi malu iki la i kapau-ai o

Wailuku, o Kamaluhokuawa. Ua pii hou aku makou, me ke kuhikuhi mai no o ke kamaaina ia Palihai, Kamaupali, a me kahi i hana ai o Oahuwahine, he wahi poho ano ole ia, a he kumu kuwa nae ia e ku la, aia aku iuka o ka puka pa e ikeia ai ka Liliwai o Iao, a ilaila wai i hoomatua ae ai i kahi himeni e pili ana no na lihi la,

Pulu an i ka na,
I ka Liliwai o Iao, &c.

A mauka aku o Laopohaku, aia maluna pouo iho o na pohaku la he wahi auwaha wai, a wahi a kamaaina, o ka loko ia ka ia a Kakae, kekahi ahi o ka wa kahiko i hunaia ai, pala iho no i kuu nana ana, he wai ko loko o na wai auwaha la, a malaila koke iho no o Kūak voku, he pohaku nui ia, a e huli ana kona alo ilalo, a mauka iki aku kahi i hunaia ai o Kakae. He hapa mile paha mauka aku, ua hoi mai makou, aole makou i hiki loa aku i Kapela, na ahiahi ia manawa.

A ma ke ahiahi Poaono, la 9 o ia mulama no, ua haalele aku maua i ke kai holo o Kahului, a huli hoi mai no ke kaona nei. Me ka mahalo.

J. KAUBANEA.

Honolulu, Nov. 20, 1878.

This article has been automatically clipped from the Ko Hawaii Pae Aina 23 November 1878, organised into a single column, then optimised for display on your computer

screen. As a result, it may not look exactly as it did on the original page. The article can be seen in its original form in the [page view](#).
